

D'r Nagglmaier.

Drau, schau, wem!
's is emool so. Wer
Bekantschaft macht,
dhu die Lage uff.
Un hiet sich for ge-
wisse Schwäde! Nit
alle Liebhaber rebat-
riere mit d'r Zeit,
was se verbroche
hawe. Gar Man-
cher laaft davun un
loft die B'scheerung
am Baam hente.
So e Schtückl vun
Lieb un Drei hätte
mer widder emool
aus d'r neekst Hei-
dlberger Umgegend
zu verzeichne. D'r
Ortsnaame d'r Hei-
delthar wolle mer grad
nit zum Beschte ge-
we, dann es is ganz
egaal, wo die faule
Eppel uff de Beem
wachsle. Also in d'r
Heidberger Umge-
gend hott kerylich en
Borsch g'helet, der sich sein guti Freundin, mit der'er
freier uffeme außerordentlich verdrauliche Fuß g'schann
un gange, nit annerscht bei d'r Draung uff'm Koothhaus
vun Hals hott halte kenne, als das'r em Voltzeitdiener
vun Det en Gulde gewe, vor denn'r Wacht vor d'r Haus-
dhter d'r ehemals Gelüpfte hott halte misse, das'r ke Kal-
ches vun'r bei d'r heilige Handlung gemacht tricht. In
denne Umschänd is dann aah die Hochzeit glücklich vorbei
gange, un unserm Neivermählte is en Schtein vun
Herze g'falle. Das die bewacht ehemals Gelüpfte so net-
glerig war, d'r heilige Handlung uff'm Koothhaus zuzu-
gucke, is freilich sehr erklärlich, wann ma bedent, das d'r
glückliche Neivermählte bei d'r „Freiandin“ bereits zweemool
kiewendit B'atter schtell bel'r verdreete un unner annerm
aah so gutmiethig war, ihen sauer verdiente Lohn vunn'r
uff d'r Feldpost anzunemme, so lang'r im Kreeg war
un mit de Franzose g'fachte. Des eenzige Andenke, das'r'er
for all des Lieb's un Gut's, des se'me sein Lebtag ange-
bhan, zurückgelost, is e zukunfugt Kleenigkeit un e paar
alte Unnerhoffe. Drum sag ich: Ihr Meedle uff'm Land:
Macht die Lage uff! Drau, schau, wem: Es is nit al-
les Gold, was glänzt! Nemmt eich e Exempl vunme
Beischbiel an faule Eppel! —

Aah vor d'r neie Unfehlbarkeit hiet eich, ihr Meedle!
Es derf eich Gener noch so viel vun d'r Unfehlbarkeit
verzähle, er bleibt dernderwege doch immer en schwacher
Mensch, der en Fehler mache kann. D'r scheene W. hott



mer do wenigstens e verflucht G'schicht verzählt: Mir
hawe jekt aah unsern Birger Vater in d'r frehlich Palz,
Gott erhalt's, jekt'r. Ich war'em lang uff d'r Spur.
Endlich haw ich'n verwischt. En gewisser Herr Vater,
segt'r, schlecht nämlich schun e geraumt Zeit in e gewiss
Haus, in der e gewissi Mutter mit'ere gewisse Freile Doch-
ter wohnt. No, denk ich, Mutter un Tochter brauche
wahrscheinlich in irgend eme Drauerfall de geistliche
Beischand un des sinn ihr Sache. Des geht ke Mensch
was an. Amme scheene Dag seh ich awer aah de Herr
unfehlbare Dokter im Haus ein: un ausgehn. Dunner-
wetter, denk ich, was is do loos. Vater un Dokter! Des
hott mer nit glatt g'sege. Do muß e Unglück bassirt sein,
denk ich un mach d'r Madam im zwette Schock, die ich
die Ohr hab, zu kenne, mein Uffwartung. Noochdem ich
d'r unfehlbare G'sellschaft dann zu dem mir noch unbe-
kannte Maleer mein Beileid ausgedrickt, is die Mutter
endlich unner vier Lage so weit mit d'r deitsche Schbroch
rausgerickt, das se mer g'schann: das sich eewe ihr Dech-
terle den bekannte fromme Schbruch: Seid fruchtbar un
vermehr etich, so zu Herze genomme, das se jekt e B'äde-
rung hätt, die d'r Herr Vater vun d'r heilige Unfehlbar-
keit bereits eingeseegnet! Weiter kennt se mir sage, sunsch
dhät se am End aah for verrickt erklärt werre, wie ihr
mitterliche Kollegin in Linz!

Bei Sr. Excellenz, Graf Dambelmo muß es iwerigens
aah nit ganz sauer sein, Männer. Bei dem geht aweil
aah d'r Dokter aus un ein. Die unglücklich Excellenz hott
nämlich beiere musikalische Dowendunnerhaltung in Folge
vunme Mißverschändnis e kleeni Henererschütterung davun-
gedrage, die, drog mit Kolbe bairrit worre is, eewe nit
zu vermeide war un vun der heit noch die sichtbarste
Schbure iwerig sinn. Wahrscheinlich kummt noch die
G'sichtsroos dazu. Iwerings genießt Sr. Excellenz die
sorglich Pfleg un is d'r uffrichtigschte Theilnahm amme
gewisse runde Werthshausbüch versichert. So hott'm per
Exempl unfer Koothboormatrazefawirant in d'r Millionär-
schtroop schun e extra gepolstert Ruhschiff g'schickt, uff
dem aah Sr. Excellenz bereits e famos Nacht zugebrocht
hawe soll. G'fahr is bei Sr. Excellenz iwerhaabt nit
grad vorhande, un is zu hoffe, das die kräftig Natur Sr.
Excellenz zur baldige Genesung beidrage werd, womit ich
for heit des erscht Billetin iwer de hohe Zustand Sr.
gräfliche Gnade schließe! —

Ob die „kleine, feine Familie“, die im Anzeiger e
ab g'schlossen Wohnung mit Gartevergniege sucht, schun
zufriede g'schickt is, wech ich nit, Männer. Die kleen
Familie muß iwerigens nit allein sein, wie se se lwer
segt, sondern muß aah sehr g'scheid sein. Drei bis vier
Zimmer, Rich u. s. w., mit'eme halwe Morge Gartever-
gniege for 200—300 Gulde is wenigstens nit dumm.
Wann die geehrt sein Herrschaft g'funne, was se sucht,
bitt ich um g'fälligt Mittheilung. Ich geh mit meiner
feine Familie schun lang uff so was „Abg'schlossenes“
aus, un kann's nit finne, ohne das ich mit'm Elleboge in
de Sack kumm. Norr sein, Männer.